

遼源柔貽誤子萬
夏治寔罪狀一斑

夏詒霆之一誤

遼源交涉肇衅始末事實。業涕泣而道。告我父老子弟矣。然我外交當局。夏詒霆對於此項交涉。審查如何。辨晰如何。措施操縱如何。尤屬嚼碎牙根。吞血舌之。嗚呼。不能成聲者也。查肇衅事實。微等芝蔴。根本大錯。日人實鑄。其曲在彼。其直在我。如山鐵案。大力不能移易。似日昭彰。一指豈得盡掩。夏詒霆當此交涉發生之始。應先查事實。事實既得。曲直自判。可指令駐奉交涉員就地交涉。明示此項交涉。事體性質。起訖甚微。絕無提歸京部談判價值。由奉發始。由奉收終。可也。即不然。亦應高瞻遠矚。預測日人刁惡。將藉此撒潑奉交涉員折衝無方。已則挺身當之。出先發制人手腕。爾詎日使。歷舉其非。嚴重詰責。如中日新約。南滿境內許日民雜居。未許日兵雜駐。其自由派兵駐紮遼源。爲有心破壞條約。其罪一也。國際公法。外國軍隊。非得主國允許。不得在其境域內自由通過。日人派兵往遼。不惟通過。且自由駐紮。我屢屢催其撤退。日人覆若罔聞。是任意弁髦萬國共守之公法。其罪二也。以芝蔴細故。縱兵攻我軍。戕我兵士。橫恣暴戾。其罪三也。事後又驅我國軍。據我營。反客爲主。其罪四也。種種事實。種種罪案。必數枚舉。用逼詰責。日人理曲。



3 2173 4744 6

MG
(82) = 6

氣自爲靡。俯首謝過。猶慚不遑。安能再任意蠻橫。恣情要求。乃夏詒靈無一於此一味。然茫然。打定不負責任主意。其畏日人如虎。自視如鼠。一遇我交涉之來。卽如大難之。屈。覆身屏息。俯首縮頸。及不得已身臨談判陣壘。一則曰唯唯。再則曰唯唯。瞠目結舌。形狀神呆。其五官百體卽爲不靈也者。以視其平素奔走鑽營之精神氣魄。何其不相侔耶。

夏詣霆之再誤

既歸部議。日人自知理曲。是以將肇衅起訖。均置不論。勉強強。以我兵包圍其營署之。誣。作我罪案。查日兵闖入我團部時。我團部僅弁兵數人而已。當時除被日兵彈擊傷亡者外。僅馮馬弁等一二人負隅還擊。作困獸之鬪。且不久亦負傷逃去。此事實之不可掩者也。當時日兵尙存二十名。其誣我兵包圍其營署者。果不知何所指也。若指馮馬弁等一二人所爲。馮馬弁只能稱爲防禦還擊。不得謂之爲包圍。若曰包圍。謂日兵包圍馮馬弁等一二人則可。謂馮馬弁等一二人包圍日兵二十名。則斷斷不可。若指謂我其他營兵士所爲。我在遼軍士約二千餘名。其駐所均毗連裕勝當店。若有意仇視日兵。當其闖入我團部。戕殺我兵士時。羣起環攻。所來日兵。當即時殲盡。又安任其從容暇整。收隊回營。且果我其他營兵士包圍其營署。以我二千餘百練之兵。包圍不滿百數日兵之營署。無論日兵如何勇敢。一經轟擊。其全數官兵。營署屋椽。必盡爲我砲火灰燼。何爲既經事後。其傷亡兵士。僅有在我團部者數人。其營署屋椽。仍輪奐依舊。事跡堪按。非可言誣。在日人亦知誣我之說詞。爛熳荒謬。當藉季布一言。作爲證據。是以於事過後。拘我遼店。

商人羅縵滿獄。酷刑拷逼。日以繼夜。舉其誣我包圍之說。勒令我商人口供認爲目覩。覩見我商人間有一二熬刑不過者。勉強供認其至死不肯自誣者。猶居多數。諸商供詞。可取按也。嗚呼。日人將以包圍之說。誣我先逼我自誣。慘矣。毒矣。夏詒彙知之乎。假曰不知。其前之調查者何事。若口知之而不舉以詰責日人。是無心肝也。是土木偶也。我外交重事也。外交次長要職也。用此無心肝之土木偶。如僅能作唯唯聲之機器者何爲乎。

夏詒建之三誤

日人既以包圍之說誣我。遂提出條件八則。逼我承認。查其所提條件爲何。即要我性命。身家由其生殺處置之。謂何爲要我性命身家。以我對日有罪。以我性命身家爲謝罪之賠償物。品是我本無罪。日人誣我以罪。又強我恭送謝罪物品。以證明我罪之的。真確。實。噫。在肇事之始。日人恣情相逼。我已盡情退讓矣。事後日人自作主人。逐我出境。我遵命出境。又盡情退讓矣。我之優容日人。降心於日人者。亦云至矣。蔑以加矣。必要我性命身家爲我謝罪禮物。以實我罪。不太甚矣乎。試作一比例言之。縱日爲主人。我爲奴婢。奴婢或一日受主人不情鞭笞。哀求寬恕。未蒙主允。不得已反唇相稽。亦事之常。未必卽爲滔天大罪。主人怒其不馴。驅逐出門。奴婢遵命而行。主人之怒。當亦稍殺。未必務殲其身。始爲快舉。况日人之於我。非主人之視奴婢比也。我之於日人。實主人之視客也。客無端入我室處。小有齟齬。客卽怒撻。主人已屬不情。主人哀求客恕。未邀客允。致反唇相稽。亦情理應爾。不爲過也。而客竟以之爲罪。驅逐主人。主人唯唯遵命。不遑在客人爲暴戾。逾恆不情。過甚。在主人寬宏。大度。禮遇異常。而務必盡奪主人之性命身家爲始。滿客意。古今

世界無此不情。客入也有之。必強盜也。以文明國人自甘強盜。恐日人不肯居茲惡名也。夏詒靈若於日人提出條件之時。辯論剖析。嚴詞絕拒。日人雖驕。亦當爲理。屈。倘日人一味蠻橫。不堪理喻。我可將其所提條件。剝提出認。爲彼無端橫干。要求另案。決不令其與遼源交涉。連帶淆混。日人不承認。我言我甯死不爲也。日人若承認。我言是無端侵我主權。割我土地。也是自甘強盜。也是萬國共尊之公理。公法。日人破壞之也。甘犯天下之大不韙者。日人也。我縱捧主權奉之。割地與之。萬國當諒我理直。憫我國弱。視日人爲毒蛇。惡魔。人道公敵。將與天下共棄之也。日人雖橫。絕不敢公然犯衆怒。以出此也。日人既不出此。其氣自沮。我之交涉。着手自易。前途之樂觀。可預期也。乃夏詒靈毫無意識。一則曰唯唯。再則曰唯唯。若以日人誣我之說。爲情真罪當。除有盡心檢點物品。預備謝罪外。無再有我一言之餘地也者。噫。若非我政府其他諸公極力騰挪。掣其麻木肘腕。彼於日人條件全體承認久矣。欲求延宕至今。亦事之不可得者矣。今幸也。天佑我邦。伍公以七旬老翁。犧牲其安閒清福。慨然出肩重任。縱此項交涉。已經夏詒靈一誤再誤。前途未可預測。吾人要知伍公必極力爲國盡瘁無疑也。吾人對於伍公感激崇拜之忱。正不知若

何表示也。

6
10240 |